

ՄԱՅՐ ԱԹՈՌՈՒՄ ԵՎ ԹԵՄԵՐՈՒՄ

ԱՊՐԻԼԻ 23-Ը՝ ՆԱՀԱՏԱԿ ՀՈԳԵՎՈՐԱԿԱՆՆԵՐԻ ՈԳԵԿՈՉՄԱՆ ՕՐ

Վերջին տարիներին գեղեցիկ ավանդույթ է ստեղծվել Արարատյան Հայրապետական թեմում. ապրիլի 23-ին, ի հիշատակ Մեծ եղեռնի նահատակ հոգևորականների, Քաղաքային պանթեոնում, Կոմիտաս Վարդապետի շիրմի առջև, հոգեհանգստյան հանդիսավոր արարողություն է կատարվում: Այս անգամ, Արարատյան Հայրապետական թեմի Առաջնորդական փոխանորդի օգնական Տ. Թորգոմ Արեղա Տոնիկյանի գլխավորությամբ, հոգեհանգստյան արարողությանը մասնակցում էին թեմի բոլոր հոգևորականները, բազում հավատացյալներ, թեմի «Մանկունք» արական երգչախումբը: Մասնակիցները ծաղկեպսակ զետեղեցին Կոմիտաս Վարդապետի արձանին և ծաղիկներ՝ պանթեոնում հանգչող հայ մեծերի հուշաքարերին:

Պահ էր աղոթքի, պահ էր հաղորդակցության Աստծո հետ, մեր անցյալի հետ, նահատակ հոգևորականների հաղթական ոգու հետ: Արարողության ավարտին Հայր Սուրբն իր մտածումները կիսեց ներկաների հետ. «Հոգևորականներին չենք ռազմում զատել անապատներում ու աքսորի ճանապարհներին գոնված մեր քաղաքացիական նահատակներից, սակայն այսօր մենք այստեղ ենք՝ առավելաբար մեր հարգանքը, խոնարհությունն ու հավատարմությունը բերելու հայ մտքի ավագանուն ու Մեծ եղեռնին զոհ զնացած շուրջ չորս հազար հոգևորականներին: Այս պահը մեզ՝ հոգևորականներին համար հատկապես հոգեհանգստան արժեք ունի, Աստծու ու մեր Եկեղեցու հետ կնքած սրբազան ուխտի նորոգման արժեք: Մենք սգում ենք նրանց, խնկարկում նրանց հիշատակը, միաժամանակ հպարտանում նրանցով: Հպարտանում ենք, որ ժառանգորդներն ենք Կոմիտաս Վարդապետի, Արմաշական սերնդի փայլուն ներկայացուցիչներ Խոսրով եպիսկոպոսի, Պսակ վարդապետի, Մկրտիչ վարդապետի և բազում այլոց, որոնք մեր Գողգոթայի ճանապարհով քայլում էին լուսաշող այն հավատով, որ հայոց երկնականարում հավիտյան անմար շողալու է Լուսավորչի կանթեղը ...»:

Պարտավորեցնող է Կոմիտաս Վարդապետի շիրմի առջև կանգնելը և վասն չորս հազար նահատակ հոգևորականների հոգեհանգստյան արարող-

դուք լուծում մատուցելը, հոգևորականներ, որ ապրած կյանքով կենսավորեցին ավետարանական լույս խորհուրդը՝ «Հովին քաջ զանձն իւր դնէ ի վերայ ոչխարաց»: Նրանք ամենուր եղան իրենց հոտի մեջ՝ անապատի դաժան ճանապարհներին և ավերվող քաղաքներում, հրդեհվող եկեղեցիներում, դպրոցներում ու սպանդանոցի վերածված քանդակներում: Վաղը մենք ենք լինելու հոգևոր առաջնորդները հայոց ազգի: «Տեր, հիշիր նահատակ հոգևորականներին» քարքառելիս հոգուդ մեջ նաև մեկ այլ աղոթք է արձագանքվում. «Տեր, հիշիր նաև մեզ, որ շարունակեղն ենք նրանց սրբազան առաքելության»:

Արարողությունն ուղեկցվում էր «Մանկունքի» արծաթաձայն երգեցողությամբ՝ մերկաների աղոթքն առ Աստված բարձրացնելով «Գթա Տեր», «Զահանայք» և հոգևոր այլ երգերի քնածումով:

ՄԱՄՎԵԼ ՄՐԿ. ԿԻՐԱՆՈՍՅԱՆ
Արարարյան Հայրապետական թիմ